

www.BibleForChildren.org

SAN MATEO 8




Mostatica yupan Jesús cataya capa yahuiloya
monamictilo omenten pin caltilan Caná pin lalticpan
Galilea. Huan cataya nepa Jesús inantzin.
Quinnotzaje Jesús noje huan imonextiliniemes pa
hualalosquiaya capa yahuiloya monamictilo.



Quitaje pampa yajmo cataya iayo uva coc. Pampín
inantzin quilic Jesús: —Yajmo quipialo iayo uva coc.
Quinmilic inantzin in tequipanujquimes:
—Xicchiuacan len yes anmitzilis.



Quinmilic Jesús: —Xiquintemiltican ca al
in tapalcames. Huan quintemiltije, ca
nadita quinequiloaya toyahuilo.



Cuaquinon Jesús quinmilic: —Axan,
xicanacan, xiquihuilican inminlaicanani
yehuanten hual quinmacaticate iayo uva
coc yehuanten hual quinhualicaje pa in
monamictilisli. Yojque quichihuaje.



Huan cunic in laicanani in al hual mochíac iayo uva
coc. Yihual amo quimatiaya capa canaje. Ma yoje, in
tequipanujquimes quimatije,
pampa cataloaya
yehuanten hual canaje in
al. Cuaquín quinoztac in
laicanani yihual hual
monamictiaya.



Quilic: —Mochi lacal pehua quinmacatica iayo uva coc cuali pa cunisi yehuanten hual quinhualicac pa ichan pa len fiesta.

Cuaquinon quiman cuniloaya míac, yihual quinmaca pa cunisi iayo uva coc hual amo niman cuali. Ma yoje, tehual ticajcoquic in cuali pa cunisi axan.



Ca inon pehuaya quinchía Jesús innojen hual
quinmahuisultiloaya ca lamajtilisli
lacames. Cataya pin caltilan
Caná pin lalticpan Galilea.





Yoje quinextic quinami yihual quipía Dios
ilahueliltilisli hué, huan quilalililoaya
inminlaneltoocalisli ca yihual
imonextiliniymes pampa
quimatiloaya yihual
yec in Cristo.



Hualac Jesús pa ichan Pedro. Nepa
quitac Pedro isihua inantzin lastataya
pan lapexli, totoniaya chicahuac.




Cuaquín quimatocac imajma in sidual huan yajmo
quiapiaya totonalisli. Huan moquetzac in sidual,
pehuac quinyucxilitlic len quicuasi.



Calaquic in tonali, huan layuajtitataya. Quihualiquilije
Jesús moxtin in cocoxquimes huan yehuanten hual
quinpialoaya iyecames
amo cuajcuali. Huan
moxtin motojpehuaaje
pa in cali ilalapunquil.



Quinpajtic Jesús míac hual mococuloaya ca míac
cocolisli. Quinquixtiliaya yehuanten míac ijyecames
amo cuajcuali. Ma yoje, amo quinmacahuiltic Jesús
pa lajtulosquiaya in ijyecames pampa quimatiloaya
aqui yihual.




Huan motoliniloaya moxtin pa quimatocalosquiaya
Jesús. Cataya pampa quistataya pa yihual ilahuelitlisli
pa lapajtisquiaya huan yoje pajtije moxtin hual
quimatocaloaya.




Cuaquinon hualaje sequin quihualicatataloaya se lacal
cocoxqui, amo huil moliniaya. Quimantihualaloaya pan
ipelal telahuac nahui lacames.



Huan amo huil cajxiltiloaya in lacal
calijtic capa Jesús pampa
cataloaya míac pin cali calijtic
huan pa quiahuac. Cuaquín
quilapuje ca pani in cali
capa cataya
Jesús.



Quitemuhuije in cocoxqui pan
ipelal pa calijtic capa in
coyunquil.



Jesús quitac quinami quinelocaloaya pampa yihual huil
quipajtisquiaya, quilic in
cocoxqui: —Nito, axan
lapujpuhuali unca
molaijlaquisli.


—Ximoquetza,
xicajcoqui
mocochiyan huan
xía pa mochan.



Cuaquín calaquic se barco huan quitocaje
imonextilinijmes. Nejnentiyahuiaya
in barco pa al, huan jan
ajnaxcan hualajtiquisac je
ijyecal chicahuac ca
quiahuil pan in al
huejcalan.



Majcoctataya in al huan ca nadita
yahuiaya moijsima in barco ca
in al hual calaquiaya laijtic
pin barco. Ma yoje,
coxtataya Jesús.




Huan quinmilic: —¿Leca anmomajtía? ¿Amo anquipía
san se nadita laneltocalisli ca nehual? Cuaquinon
moquetzac huan quinmilic chicahuac in ijyecal huan in
al hué pa mosehuisi huan mosehuije jan ajnaxcan.

Huan moitaje ca lamajtilisli in
lacames, quiytuje:

—¿Len lacal inon?


¡Quineltocalo in ijyecal
huan in al huejcalan!



'Unca pampa Dios quinnequic míac moxtin
yehuanten pin lalticpan. Huan yoje unca quinami
quinnequic: Qitemacac ixolol, in se san hual
quipía, qitemacac pa miquis, pa yoje aqui
yes quilalía ilaneltocalisli ca yihual, yoje
in se amo polehuis pa yajmo yulis ca
yihual. Huan amo inon san. Noje
canas Dios iyulilisli hual
amo quiman
lamis.



40



60



ROMANOS 3:23

Jan unca se ojli pa canasi moxtin in lacames, pampa moxtin quichihuaaje laijlaculisli huan yoje amo ajsilo quipialo in cuali hual unca iyaxca Dios pa yoje Dios quinmitas quinami ixolomes.

ROMANOS 6:23

Neli unca yoje, pampa se hual yuli quichijtica laijlaculisli miquis huan moxilus pa yajmo huil cayas ca Dios. Inon unca ilaxlahuilisli se hual yuli quichijtica laijlaculisli. Ma yoje, Dios quinyuliltía lacames, quinmaca yulilisli hual amo quiman lamis. Amo quipialo pa quilaxlahuisi Dios inon. Huan quinyuliltía pan ipampa Cristo Jesús toTata.



HEBREOS 9:27

Dios quinlalilic lacames pa quipiasqui pa miquisqui sejpa huan cuaquinon nesisqui iyampa pa yihual quinlaxlahuis quinami quinmahuilúa pa quinami yuliloaya pan lalticpan.

EFESIOS 2:8,9

Pan ipampa Dios ilachihualisli cuali, amhuanten anunca laquixtili pa ipolehuilisli anmolaijlaculisli. Huan anmijchihuilic in lachihualisli hué pan ipampa quinami anquilalic mochi anmolaneltocalisli ca Cristo Jesús. Amo unca pan anmopampa nindeno. Unca pampa Dios anmitzmacac anmolaneltocalisli pa anquilalis ca yihual. Amo anunca laquixtili pin ipolehuilisli anmolaijlaculisli pan ipampa in hual anquichía amhuanten. Sinda yoje cataya, cuajnesi cayasquiaya se hual laquetzasquiaya hué inahuac quinami moquixtic pin polehuilisli.



ROMANOS 10:9,10

Sinda tiquijtúa inminlaixpan lacames pampa in Tata Jesúcristo quipía mochi lahuellitlisli pin cielo huan pan lalticpan, huan sinda ticneltoca laijtíc pa moyolo pampa Dios quiyulitíc oc sejpa quiman miquic huan yoje techmachiltía pampa Jesús unca iXolol ca mochi in lahuellitlisli, cuaquinon ticayas laquixtili pin ipolehuilisli Dios icualanilisli. Monequi pa ticchías yoje, pampa ca iyolo se quineltocha huan yoje unca lachipahuali iyolo laijlaculi. Huan ca icamac se quijtúa inminlaixpan lacames in hual quineltocha huan yoje unca laquixtili pin ipolehuilisli Dios icualanilisli.



SAN JUAN 3:16,17

'Unca pampa Dios quinnequic míac moxtin yehuanten pin lalticpan. Huan yoje unca quinami quinnequic: Quitemacac ixolol, in se san hual quipía, quitemacac pa miquis, pa yoje aqui yes quilalía ilaneltocalisli ca yihual, yoje in se amo polehuis pa yajmo yulis ca yihual. Huan amo inon san. Noje canas Dios iyulilisli hual amo quiman lamis. Unca pampa Dios amo quitilanic iXolol pin lalticpan pa quinpolehuiltis yehuanten pin lalticpan. Quitilanic iXolol pa yoje pan ipampa yihual yehuanten yesi lamacahuali pa camo polehuisi pampa yeje laijlaculi.



1 JUAN 5:11-13

Huan in lajtol melahuac unca inon: Dios techmacac yulilisli hual amo quiman lamis huan ticpialo in yulilisli pan ipampa iXolol. Aqui hual quipía iXolol Dios pa lajtic iyolo noje quipía in yulilisli. Huan aqui yes hual amo quipía iXolol Dios pa lajtic iyolo yihual amo quipía in yulilisli. Annimitzijcuiluilic in amal amhuanten hual anquineltocha Dios iXolol pa yojque anquimatis pampa anquipía in yulilisli hual amo quiman lamis.



SAN MATEO 8-9; SAN MARCOS 1-2, 4;
SAN LUCAS 4, 8; SAN JUAN 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Nahuatl, Michoacán NT (ncl) © 1998, Wycliffe Bible
Translators, Inc. All rights reserved.

<https://www.bible.com/bible/737/MAT.1>

©2026 Bible for Children, Inc.

www.M1914.org

www.bibleforchildren.org

